

REFERAT MAA - Meeqqanut Atuarfeqarnermullu Ataatsimiititaq d. 05-11-2019

Mødedato Tirsdag d. 05. november 2019 kl. 19:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Sianissutsikkut peqqissuuneq.....	7
Meeraaqqerivik Ungaavaraq pillugu ilisimatitsissut.....	11
Meeqqanut Atuarfeqarnermullu Ingerlatsivimmi (MA) aaqqissuussaaniemik allanngueq.....	14
Aalajangiiffisassat.....	17
Meeqqanut Atuarfeqarnermullu Ataatsimiititap 2020-mi politikkikkut ataatsimiiffissai.....	18
Suliat Aningaasaqarnermut Inuussutissarsiornermullu Ataatsimiititamut.....	21
Misip ukiumut 2018-imut nalunaarusiaanik ilisimatitsissut.....	22
Taasariaqartut allat.....	26
Suliaq matoqqasoq.....	27
Imaqarniliap akuerineqarnera.....	28

Punkt 0: Saqqaa

Ilaasortat

Michael Rosing (Sam), siulittaasoq.

Henrik Rachlev (IA)

Rasmine Geisler (IA)

Uju Petersen (IA)

Thiiooq Knudsen (S)

Beslutning

Najuuttut: Michael Rosing (Sam), Uju Petersen (IA) aamma Rasmine Geisler (IA)

Oqarasuaatikkut: Thiiooq Knudsen (S)

Ataatsimeeqataasinnaanani nalunaartoq: Henrik Rachlev (IA) aamma sinniisussaq Justus Hansen (D)

Punkt 1: Oqaluuserisassat akuerineqarneri

Beslutning

Oqaluuserisassat akuerineqarput. Siulittaasup aalajangenera: 03C aamma 04A

Punkt 2: Nalunaarutit

Siulittaasumit nalunaarutit

Beslutning

Uju Petersen (IA) aamma Thiiooq Knudsen (S) ICC-p ataatsimiititsinerani peqataapput. Ataatsimiinneq pillugu ilisimatitsissuteqartoqassaaq.

Tasiilami nutaamik meeraaqqeriviliorneq, taassuma aallartisarnera pillugu ilisimatitsissut Ataatsimiititamiit akuersissutigineqarpoq piaartumillu suliasamik saqqummiussisoqassaaq.

Punkt 3: Ilisimatitsissutit

Punkt 03A: Sianissutsikkut peqqissuuneq

Beslutning

Ilisimatitsissut tusaatissatut tiguneqarpoq

Bilag

Ilisimatusarfissatut siunnersuut

Misiligummik suliniut - Isummakkut peqqissuuneq

Sianissutsikkut peqqissuuneq

Misiligutitut suliniut

Ilisimatitsissut

J.nr.: 46.00

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Meeqqanut Atuarfeqarnermullu Ingerlatsiviup, tassunga ilanngullugu Peqqissutsimut Susassaqtitsinermullu Immikkoortortap matumuuna meeqqerivinni sulisunut isummakkut peqqissuuneq pillugu misiligutitut suliniut pillugu ilisimatitsissutigaa. Misiligutitut suliniut ilisimatusaatinik ikorfartorneqassaaq, pikkorissarnerit kinguneri pillugit misissuisitsineq siunertaqarmat. Pikkorissarnermi "*Tunngaviit pingasut*" tunngavigineqarput.

Inassuteqaatit

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigigaa:

- Ilisimatitsissut tusaatissatut tiguneqassasoq.

Sagsfremstilling

Meeqqanut Atuarfeqarnermullu Ingerlatsivik Nuummi meeqqerivinni sulisunik misiligummik suliniuteqaleruttorpoq. Pikkorissartitsinerni siunertaavoq sulisut akornanni nuannersumik ilorrisimaartumillu sulinissamat ammaassinisaaq.

World Health Organizations (WHO'p) sianissutsikkut peqqissuuneq pillugu imatut nassuiaateqarfigaa: "*Atukkanut pissuserisat aamma ataasiakkaat piginnaasatik, ulluinnarni unammilligassanut ulapaarnartunullu aqussinaneq taavalu inuit allat ataatsimooqatigisinnaanerinik ineriartortissinnaanissaat.*"

"*Tunngaviit pingasut*" paasinerat aallaavigalugu suleriaaseq ingerlanneqarpoq, imaappoq inuup qarasaa qamuuna qanoq ingerlasarnerisooq itisuumik paasinnittaaseq aallaavigalugu sulisoqartarluni. Pingaaruteqarpoq erseqqissassallugu tunngaviit pingasut upperisarsiornerunngimmata, ajoqersuutaanngilaq, mindfulness-iunngilaq, teknikkiunngillat imaluunniit alanngaagassiaanngillat. Taavalu sakkut, periutsit teknikkiluunniit atunngikkaluarlugit kikkut tamarmik inunnguuseralugu pigeriigaat, qamuuna peqqissuuneq, ajornanngitsumik paasineqarnissaa oqaluttuarineqassaaq. Takuuk ilanngusaaq 2 "*Tunngaviit pingasut*" pillugit nassuiaat.

Ilisimatusarneq

Kommuneqarfik Sermersuumi Nuummi meeqqerivinni sulisut akornanni inuttut attaveqatigiinnermi ilisimatusaatitut misiligummik misissuineq. Misissuinerup siunertaraa workshoppernermit sunniutit, (sulisut suliffimmini nuannaarnerat, tunniusimassusiat atitussuseqarnerallu) pillugu "*Tunngaviit pingasut*" aallaavigalugit qulaajaaffigineqarnissaat. Meeqqerivinni sulisut piffissani assigiinngitsuni pingasuni qarasaasiakkut apeqqutinik akisassaminnik immersuissapput - workshopperneq sioqqullugu, kinguninnguatigut taavalu qaammatip ataatsip qaangiunnerani. Peqataasut akissutaat sulisut akissutaannut assersuunneqartassapput, meeqqerivimmi ataatsimi arlalinniluunniit assingusuni. Misissuinerup inerneru misissueqqissaarnermit nassuiaammi allaaserineqassapput. Ilisimatusarneq pillugu naalisaaneq tamakkerlugu ilanngussami 1-imi takujuk.

Aaqqiissutissatut siunnersuut – suliatigut naliliineq

2017-imi immikkoortortaq Nordisk Folkesundhedskonferencemi Aalborgimi peqataavoq. Immikkoortut pingaernerit ilagivaat sianissutsikkut peqqissuuneq, eqqarsartaatsimi nappaatit. Inuit eqqarsartaatsikkut nappaatillit qassiuneri ukiumiit ukiumut amerliartorput, aammalu ilimagineqarluni piffissap ilaani nunap tamakkiisumik imminut pilersorsinnaaneranut (BNP)-mut tatisimannilersinnaasoq. Tamanna tunngavigalugu ataatsimeersuarnermi sakkortuumik erseqqissaatigineqarpoq, nunani avannarlerni nutat isummakkut peqqissuuneq pillugu oqallinnissamik pisariaqartitsisuusut, inuttut aningaasatigullu ajornartorsiutinngussanngippat. Imaappoq inuttut aningaasaqarnerlu tamaat isigalugu sianissutsikkut peqqissuseq isumagalugu akikinnerussasoq, taamaattumillu pissarsiassartaa tassaasoq piffissaq ungasinnerusoq qaninnerusorlu eqqarsaatigalugit.

Nunani allani ilisimatuussutsikkut misissuinerit "*Tunngavinnik pingasut*"-nik tunuliaqutallit takutippaat, inuulluarneq isummakkullu peqqinnerulerneq malunnaatilimmik siammartertoq.

Meeqqat meeqqerivimmiittarnerminni ataatsimut isigalugu iluaqutissarsisarput. Ilisimatusarnerup takutipkaa, meeqqerivimmiittarneq aalanermut paasinnittaatsimillu, oqalunniarnermut oqaatsitigullu piginnaasaqarnerulernermik kinguneqartartut, taavalu immikkut ittumik atuartinneqarnissaq pisariakinnerulersarluni. Kisianni taamatut pitsaasumik kinguneqassappata isumassuinerup pitsaassusia apeqqutaassaaq. Meeqqerivinni sulisut akornanni nuannaarnerup ilinniartitsinissaminillu neqerooruteqarsinnaanerisa qaffasissumillu pitsaassusilimmik isumassuisinnaanerata malunnartumik imminnut attuumassuteqarneri ilisimatusartut annertusiartortumik akuerileraluttuinnarpaat.

Meeqqanut Atuarfeqarnermullu Ingerlatsiviup ilisimatusartuq isummakkut peqqissutsimik misissuinerimik, tunngaviit pingasut aallaavigalugit, ilisimasalik toqqarpaa. Ilisimatusartup nammineerluni tunngaviit pingasut misissuiffigisimanngilai, misissuinerit immikkoortitsiniarani. Ilisimatusartuq Nunatta avataaniippoq, Nunatsinnilu kulturimik paasisimasaqarani, aammalu ilisimatusartuq misissueqqissaarinermit inernerit pillugit nassuiaateqaleruni kinaassusersiortuussanngilaq.

Aningaasatigut sulisoqarnikkullu naliliinerit

Misiligutaasumik misissuinerimil ilisimatusartup akilernissaanut 20.000 kr.-nik naleqassaaq (3.000 USD)

Inatsisitigut tunngavissaq allakkallu tunngaviusumik uppersaatitallit

Inuuneritta II

Nunarsuarmi anguniagaq 3: Peqqinneq inuunerissuunerlu

Kommunip ilisimasaqarnermut, ilisimatusarnermut, peroriartornermut, ilinniarnermut, IT-qarnermut ineriartornermullu ataatsimut isigalugu tunniussaqaqarnerata annertusarnissaa

Ingerlariaqqinnissaq

Pikkorissaaneq novemberimi ingerlanneqassaaq. Pikkorissaanerit sulisunut iluaqutaassappata, Meeqqanut Atuarfeqarnermullu Ingerlatsiviup pikkorissarnerit nangittumik ingerlateqqissavai pisariaqarfiini Kommuneqarfik Sermersuumi.

Aningaasaqarnermut Allatseqarfimmit oqaaseqaatit

Naatsorsuutaavoq misiliummut aningaasartuutissat Immikkoortortaqaqarfiup akilissagai. taamaammatt Aningaasaqarnermut Allatseqarfimmit oqaaseqaateqanngillat.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatigineqartut
Soqanngilaq

Ilangussat

1. Ilisimatusarfissatut siunnersuut
2. Misiligummik suliniut - Isummakkut peqqissuuneq

Punkt 03B: Meeraaqqerivik Ungaavaraq pillugu ilisimatitsissut

Beslutning

Ilisimatitsissut tusaatissatut tiguneqarpoq

Meeraaqqerivik Ungaavaraq pillugu ilisimatitsissut

Sulisoqarnikkut inissisimaneq

Ilisimatitsissut

J.nr.:44.02.00

Meeqqanut Atuarfeqarnermullu ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Meeqqanut Atuarfeqarnermullu ingerlatsivik ulluunerani neqeroorummi Meeraaqqerivik Ungaavaqqami sulisoqarniarnermut tunngatilligu inissisimaffik ilungersunartooq pillugu paasitsinneq.

Inassuteqaat / Inassuteqaatit

Meeqqanut Atuarfeqarnermullu Ingerlatsiviup Meeqqanut Atuarfeqarnermullu ataatsimiititamat inassuteqaatigivaa:

- Paasissutissiineq tusaatissatut tiguneqassasoq

Suliassamik saqqummiussineq

Meeqqanut Atuarfeqarnermullu ingerlatsivik angajoqqaanit allakkatigut 22.oktober 2019 meeraaqqerivik Ungaavaraq pillugu saaffiginnissummik tigusaqarpoq. Meeraaqqerivik Ungaavaraq annertuumik sulisutigit ilungersunartorsiorfiusoq saaffiginnissutigineqarpoq.

Sulisussaqaarniarneq ilungersunangaarmat meeqqanut suli atualinngitsunut inatsit nr.16.03.december 2012-sooq allaat tamakkiisumik malinneqarsinnaanani.

Saaffiginnissummi ilanngunneqarsimavoq, upalungaarsimanermut pilersaarummik Meeraaqqerivik peqanngittoq malitassallu malinneqanngitsut.

Aaqqiissutissatut siunnersuut – suliatigut naliliineq

- Ulloq 23.10.19 Perorsaanermi Siunnersortip meeraaqqeriviup Ungaavaqqap pisortaa oqaloqatigineqarmat, isumaqatigiissuteqarfigineqarpoq, pilersaarusoqatigeriarlugu iliuusissanik iliortoqassasoq.
- Saaffiginnissut aallaavigalugu angajoqqaanit ataatsimiisitsinissaq isumaqatigiissutigineqarpoq.
- Meeqqanut Atuarfeqarnermullu ingerlatsivik sinnerlugu pisortaagallartooq peqatigalugu Perorsaanermi Siunnersorti suleqatigalugu, angajoqqaanik ataatsimiisitsinissaq pilersaarusiorneqarpoq, tamanna pisussanngorlugu 04.november 2019.
- Kommuneqarfik sermersooq Meeqqanut Atuarfeqarnermullu ingerlatsivik Ulluunerani neqeroorutitut atuuttumik upalungaarsimanermut periusissianik malitaqarput.
- Perorsaasutut atorfiit sisamaasut 01.november 2019 ataatsimik ilaneqassapput. Atorfeqarsinnaatitaasut marluk inuttassarsiuunneqarnissaat ingerlanneqarpoq. Perorsaasut atorfinittussat inissaannik qinnuteqareernerup kingorna inuttassarsiuunneqarsinnaanngorput.
- Inunnik isumaginninnermi ilinniarsimasut atorfiit 1.november 2019 atorfinittisoqarneratigut sisamaasut tamarmik inuttaqalissapput.
- Ullluinnarni aqutsinermi siunnersuinerit aqqutissiuussinerillu ataavartumik ingerlanneqalissapput Ungaavaqqami pisortaasoq Perorsaanermi Siunnersortilu suleqatigiillutik.

Aningaasatigut sulisoqarnikkullu naliliinerit
Soqanngilaq

Inatsisitigut tunngavissaq allakkallu tunngaviusumik uppersaatitalit

Ingerlariaqqinnissaq
Angajoqqaanik ataatsimiisitsineq Ingerlatsivimmit peqataaffigineqartoq

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfimmit oqaaseqaatinik piniartoqanngilaq

Ilanngussaqq/Ilanngussat
Soqanngilaq

Punkt 03C: Meeqqanut Atuarfeqarnermullu Ingerlatsivimmi (MA) aaqqissuussaannermik allanngui

Beslutning

Siulittaasup ataatsimiinneq sioqqullugu aalajangiiffigereernikumagu ilisimatitsissut tusaatissatut tiguneqassasooq inassuteqaatigineqarpoq, imatut allannguutitalerlugu:

- suliaq Aningaasaqarnermut Inuussutissarsiornermullu kiisalu Kommunalbestyrelsimut ilisimatitsissutitut ingerlateqqinneqassaaq.

Bilag

Maannakkut aaqqissuussaaneq

Nutaamik aaqqissuussaaneq

Meeqqanut Atuarfeqarnermullu Ingerlatsivimmi (MA) aaqqissuussaaniemik allanngineq

Ilisimatitsissut

J.nr.:02.01.01

Meeqqanut Atuarfeqarnermullu Ingerlatsivik - Pisortaq Helene B. Berthelsen / HEBE

Suliassamik eqikkaaneq

Meeqqanut Atuarfeqarnermullu Ingerlatsivimmi 01. decembari 2019 aallarnerfigalugu aaqqissuussaaniemik allanngineq pillugu ilisimatitsissut.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- Ilisimatitsissut tusaatissatut tiguneqassasoq

Suliassamik saqqummiussineq

Meeqqanut Atuarfeqarnermullu Ingerlatsivimmi 01. decembari 2019 aallarnerfigalugu aaqqissuussaaniemik allanngiissaaq.

Ingerlatsivimmi maannakktu aaqqissuussaaneq sisamanik ukuningga immikkoortortaqqarpoq:

- Meeqqanut Inuusuttunullu Siunnersuisarfik (Misi)
- Peqqinnermut Susasaqartitsinermullu immikkoortortaqqarfik
- Atuarfinnermut Ulluuneranilu neqeroorutitut immikkoortortaqqarfik
- Allaffeqarfik Aningaasaqarnermullu immikkoortortaqqarfik

Ingerlatsivimmi aqutsisut kissaatiginikuuaat, Atuarfinnermut Ulluuneranilu neqeroorutitut immikkoortortaqqarfik avinneqassasoq immikkoortunut marlungorlugu, pissutigalugu 2015-imi immikkoortut taakku marluk ataatsimoortinneqarneritut siunertaq tamakkiisumik atuutilersinneqarnikuunngimmat, atuutilersinneqarnissaallu ajornakusoormat, akisussaaffeqarfiit marluusut amerlasuunik aningaasartaqarlunilu sulisoqartariaqarmat, aqutsisup ataatsip kisimiilluni ingerlassinnaanngisaanik.

Kisianni erseqqissaatigissallugu pingaaruteqqarpoq, ataatsimoortitsinerup akimut suleqatigiittoqalernera pitsaaqutigimmagu, aammalu 0-niit 18-inut ukiullit sullinneranni malinnaalluarsinnaaneq ingerlatsivimmi sungiulluarneqarsimammatt. Pitsaasumik sunniuteqarnera ingerlatsiviup nangittumik ingerlateqqissavaa, naak immikkoortortaqqarfiit marlungorlugit avinneqaraluarpataluunniit.

Ulloq 01 decembari 2019 aallarnerfigalugu aaqqissuussaaniemik iluseq imatut isikkoqalissaaq:

- Meeqqanut Inuusuttunullu Siunnersuisarfik (Misi)
- Peqqinnermut Susasaqartitsinermullu immikkoortortaqqarfik
- Atuarfeqarnermut immikkoortortaqqarfik
- Ulluuneranilu neqeroorutitut immikkoortortaqqarfik
- Stabi

Aaqqiissutissatut siunnersuut – suliatigut naliliineq

2017-imi aaqqissuussaannikkut allanngortitsinerup kingornagut, Stabi allatut taaguuteqalerpoq Allaffissornermut Aningaasaqarnermullu immikkoortortaq, tamanna allanngortillugu Stab atorusunneqarpoq, sulisut suliarisartagaannut taanna naleqqunnerummat.

Aningaasatigut sulisoqarnikkullu naliliinerit

Fagchefit ataatsimik ilanissaannut immikkut ittumik aningaasaliiffigineqarnissamik qinnuteqaateqartoqarnikuuvoq akuersissuteqartumik.

Inatsisitigut tunngavissaq allakkallu tunngaviusumik uppersaatitallit

Kommuneqarfik Sermersuumi Aqutsinermi lleqqoreqqusat

Ingerlariaqqinnissaq / Isumaqaatigiissutit

Fagchefinngortussat 01. decembari 2019 aallarnerfigalugu atorfinissapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmiit oqaaseqaatinik pissarsiniartoqarnikuunngilaq

Innuttaasunik peqataatitsineq/attaveqaatigiinneq

Soqassanngilaq

Ingerlatsivinniit allaniit oqaaseqaatigineqartut

Soqassanngilaq

Ilanngussaq

1. Maannakkut aaqqissuussaaneq
2. Nutaamik aaqqissuussaaneq

Punkt 4: Aalajangiiffigisassat

Punkt 04A: Meeqqanut Atuarfeqarnermullu Ataatsimiititap 2020-mi politikkikkut ataatsimiiffissai

Beslutning

Siulittaasup ataatsimiinneq sioqqullugu aalajangiiffigereernikummagu ilisimatitsissut tusaatissatut tiguneqassasq inassuteqaatigineqarpoq, imatut oqaaseqaatitalerlugu:

IA+Sam: Allannguisoqassappat allanngueriaannaavugut.

Bilag

MÃ,dekalender 2020_31340_KAL.xlsx

Meeqqanut Atuarfeqarnermullu Ataatsimiititap 2020-mi politikikkut ataatsimiiffissai

Aalajangiiffisassaq

J.nr.: 01.01-A00-9-19

Suliffeqarfimmut Kiffartuussivik - Kommunaldirektøri Lars Møller-Sørensen / LMS

Suliassamik eqikkaaneq

Aqutsinermut inatsimmi § 8-mi allaqqavoq "Kommunalbestyrelsi aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

2020-mi politikikkut ataatsimiiffissanut tunngasoq una 2020-mi januaarimiit decembari ilanngullugu atuutissaaq.

Inassuteqaat

Suliffeqarfimmut Kiffartuussiviup Meeqqanut Atuarfeqarnermullu Ataatsimiititamut inassuteqaatigaa:

- Meeqqanut Atuarfeqarnermullu Ataatsimiititamit politikerit 2020-mi ataatsimiiffissaat akuerineqassasut.

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelsi aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput".

Aaqqiissutissatut siunnersuut – suliatigut naliliineq

2020-mi politikikkut ataatsimiiffissanut tunngasoq una 2020-mi januaarimiit decembari ilanngullugu atuutissaaq.

Qinikkanut Allatseqarfiup Meeqqanut Atuarfeqarnermullu Ataatsimiititap ataatsiminiinnissai angalanissaalu ataatsimiititap ataavartut allat, Aningaasaqarnermut Inuussutissarsiornermullu Ataatsimiititap Kommunalbestyrelsillu ataatsimiinnissaat angalanissaallu kiisalu sulinnigiffeqarfissat nalliuttullu eqqarsaatigalugit inissippai. Tamatuma saniatigut allaffissornikkut piffissamut killissarititaasut eqqarsaatigineqarput, suliat sapinngisamik sivikinnerpaaq atorlugu sularineqarniassammata.

Meeqqanut Atuarfeqarnermullu Ataatsimiititap pingasunnngornikkut nal. 14.00 ataatsimiittarnissaa siunnersuutigineqarpoq. Ukiup ataatsip ingerlanerani ileqquusumik ataatsimiinnerit arfineq-pingasuussapput.

Aningaasatigut sulisoqarnikkullu naliliinerit

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Inatsisitigut tunngavissaq allakkallu tunngaviusumik uppersaatitalit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

Ingerlariaqqinnissaq

2020-mi politikikkut ataatsimiiffissat Naalakkersuisunut nassiunneqassapput. (Ilannugsaq 1)

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Innuttaasunik peqataatitsineq/attaveqaqatigiinneq

2020-mi politikikkut ataatsimiiffissat (ilannugsaq 1) taamatullu ataatsimiinnerni oqaluuserisassat imaqarniliallu kommunip nittartagaatigut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaanni pissarsiarineqarsinnaassapput.

Ingerlatsivinnit allaniit oqaaseqaatigineqartut

Soqanngilaq.

Ilannugssat

1. 2020-mi politikikkut ataatsimiiffissatut siunnersuutit

Punkt 5: Suliat Aningaasaqarnermut Inuussutissarsiornermullu Ataatsimiititamut

Soqanngilaq.

Punkt 05A: Misip ukiumut 2018-imut nalunaarusiaanik ilisimatitsissut

Beslutning

Immikkoortoq kinguartinneqarpoq

Bilag

Årsrapport2018.KAL.docx

Misip ukiumut 2018-imut nalunaarusiaanik ilisimatitsissut

Ilisimatitsissut

J.nr: 51.09.02.-15

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Misi ukiumut 2018-imut nalunaarusiorpoq. Nalunaarusiaq Meeqqanut Atuarfeqarnermullu Ataatsimiititamut ilisimatitsissutitut nassiunneqarpoq.

2018-imi Misip Tasiilaq marloriarluni tikeraarpaa, Paamiut, Arsuq aamma Ittoqqortoormiit ataasiarlutik tikeraarneqarput. Tikeraarnerni atuarfinni paaqqinniffinnilu sulisut oqaluuppaat, soorlu aamma sumiiffinni angajoqqaanut sulisunullu ammasumik siunnersuinissamik neqerooruteqarsimasut. Tamatuma saniatigut Misi saqqummiussinissamut, suliat pillugit qanimut siunnersuinissamut neqerooruteqartarpoq kiisalu perorsaasunermut tarnillu pissusaanut tunngasutigut misissuineramik ingerlatsilluni.

Misimi 2018-imi ilinniartitsisunik siunnersuinerit 137-t, perorsaasunik siunnersuinerit 52-it angajoqqaanillu siunnersuinerit 180-it ingerlanneqarput. Tamatuma saniatigut Misi 62-inik misissuineramik suliaqarpoq.

Misi 2018-imi annerusumik pinaveersaartitsinermut tunngasunik suliallu pillugit qanimut siunnersuinissamut neqerooruteqartarsimavoq, tamannalu innuttaasunit tigulluarneqarpoq. Taamaattorli Misi apeqqutilliusunik malinnaanissaq kiisalu misissuininissamut utaqqisut allattorsimaffianiittut amerlavallannginnissaasa sulissutigineqarnerat unammillernarsimavoq sulisut ikippallaarnerat pissutigalugu.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Misi-p ukiumut 2018-imut nalunaarusiaanik ilisimatitsissut tusaatissatut tiguneqassasoq.
- Ukiumut nalunaarusiaq Aningaasaqarnermut Ataatsimiititamut Kommunalbestyrelsimullu ilisimatitsissutitut ingerlateqqinneqassasoq.

Suliassamik saqqummiussineq

Misi – Meeqqanut Inuusuttunullu Siunnersuisarfik, ukiumut 2018-imut nalunaarusiaqarpoq. Nalunaarusiami 2018-ip ingerlanerani Misimit suliat suliarineqarsimasut nalunaarsorsimapput, ilinniartitsisunik siunnersuinerit 137-t, perorsaasutut sulisunik siunnersuinerit 52-it kiisalu angajoqqaanik siunnersuinerit 180-it ingerlanneqarsimasut takussutissaallutik. Tamatuma saniatigut qanoq kikkullu Misimut saaffiginnissinnaanersut kiisalu Kommuneqarfik Sermersuumi Misip kiffartuussinerit sorliit innuttaasunut neqeroorutigisarnerai nalunaarusiami nassuiaatigineqarpoq. Aammattaaq ukiumoortumik ”immikkut atuartitsisarneq” nassuiaatigineqarpoq, kiisalu 2018-imi suliassat allat Misimit suliarineqarsimasut.

2018-imi Misip suliat misissuiffigisassat utaqqisut ikilisarniarlugit sulissutigivari, tamannalu iluatsippoq. Ukioq kingulleq piffissami tassani utaqqineq ukioq ataatsip missaanniittartumut sanilliullugu, 2018-ip naanerani misissuininissamut utaqqineq qaammatinik arfineq-marlunnik sivilissuseqarpoq.

2018-ip ingerlanerani Misi Paamiunut, Arsummut Ittoqqortoormiinullu ataasiarluni tikeraarpoq

marloriarlunilu Tasiilamiilluni. Tasiilaq marloriarluni tikinneqarneranut pissutaavoq, atuarfimmi paaqqinnittarfimmilu suliassat amerlanerat. Sulinermut atatillugu tikeraarnitsinni sulisut angajoqqaallu ammasumik siunnersorneqarnissamut periarfissaqarsimapput. Saniatigut perorsaannermut tarnillu pissusaanut tunngasutigut misissuinerik ingerlatsinerit saniatigut suliata pillugit qanimut siunnersuineq kiisalu saqqummiussinerit pingaarnertut Misimit ingerlanneqarput.

Aaqqiissutissatut siunnersuut – suliatigut naliliineq

Ukioq 2018 Misimut ulapiffiuvoq, ilaatigut aqutsisut sulisullu akornanni taarseraattoqarnera pissutigalugu. Tamakku saniatigut Misimit siunnersorneqarnissamik kissaateqarlutik saaffiginnittut amerlisimanerat Misimit malugineqarpoq. 2015-ip missaani Misimi suleriaaseq allanngortinneqarpoq; 2015-ip siorna Misip (saaffiginnittullu) meeraq "ajornartorsiutitut" isigisarpaat, tamannalu arlalitsigut tarnip pissusaatigut paasinnittaatsimik misiliinermik kinguneqartarpoq. 2015-ip kingorna Misip eqqarsartariaaseq allanngortippaa imaalillugu "ajornartorsiummik misigisaqartoq tassaavoq ajornartorsiutilik". Tassa imaappoq, Misip saaffiginnittut, meeraq ulluinnarni ikiorsinnaanerussammassuk, perorsaanikkut iliuuserisinnaasaannik siunnersuisarneq pingaartinnerulerpaa. Tamanna tunngaviusumik isumaqarpoq, Misip saaffiginnissutit tamaasa meeqqami inuttut ajornartorsiutitut isigiunnaarnikuuaa, inersimasulli ajornartorsiutitut misigisartagaat perorsaanikkut iliuuseqarnikkut inersimasunit iluarsineqarsinnaasutut taamalu meeqqap ulluinnarni inuuneranut ikiorsiillutik.

2015-imiit siunnersuisarnerit pillugit kisitsisit atorlugit nassuiaasiernerit misissornerini takusinnaavarput suleriaatsit Misimit allanngortinneqarneri, perorsaanikkut sulisunit, ilinniartitsisunit angajoqqaanillu, tigulluarneqarsimasut. Ukiut tamaasa siunnersorneqarnissamik kissaateqarlutik saaffiginnittartut amerleriaateqartarput. 2018-imi Misip siunnersuinerit misissuinerillu saniatigut, suliata pillugit qanimut siunnersuinerit kiisalu pinaveersaartitsinerimut suliniutit pingaartinnerullugit ingerlassimavai. Taamatuttaaq saaffiginnittartunit tigulluarneqarsimasut Misimit nalilerneqarpoq.

Aningaasatigut sulisoqarnikkullu naliliinerit

Misip 2019-imi missingersuutit eqquutsinnissai naatsorsuutigaa. Saaffiginnittartut amerliartorneri, Nuummumut nuuttartut amerliartorneri kiisalu Meeqqanut Inuusuttunullu tunngasuni annertunerusumik pinaveersaartitsiniutinik suliniuteqartoqarnissaanut politikikkut kissaateqartoqarnera tunngavigalugu Misimit suliassat pingaarnersiorneqartariaqarsimapput.

Inatsisitigut tunngavissaq allakkallu tunngaviusumik uppersaatitallit

-Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq: § 5, imm. 3, normu 4.

-Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq: §38, normu 4.

Tassunga atatillugu sularineqarsimavoq Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersoq.

-PPR-mik isumaqatigiissut; Kalaallit Nunaanni Kommunalbestyrelsit sinnerlugit KANUKOKA-mut isumaqatigiissutaasoq, tassani pineqarpoq Perorsaanikkut Tarnip Pissusaatigut Siunnersuisarfik pillugu kiisalu meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugu kommuninut (Namminersorlutik Oqartussanit) nassuiaat 1. januar 2012-imit atuutilersaq. (Taanna inatsisaanani isumaqatigiissutaavoq).

Ingerlariaqqinnissaq

Misip Misissuisoqarnissaanut utaqqineq sivikillisaaviginarsarissavaa, PPR-imulli isumaqatigiissummi pinaveersaartitsinerit annertusineqarnissaanut kissaateqartoqarnera

tunngavigalugu utaqqisut ikilisarniarnerisa saniatigut Misimit pinaveersaartitsinissamut suliniutit amerlanerit neqeroorutiginiarneqarlutik. Siusissukkut iliuuseqarnikkut pinaveersaartitsinikkullu suliniutit amerlanerit Misimit neqeroorutigineqarnerisigut siunissami Misissuinissamut utaqqisut ikinnerunissaat Misimit neriuutigineqarpoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqarsimanngilaq.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatigineqartut

Soqanngilaq

Ilanngussat

1. Ukiumoortumik nalunaarusiaq 2018

Punkt 6: Taasariaqartut allat

Beslutning

Soqanngilaq.

Punkt 7: Suliaq matoqqasoq

Soqanngilaq.

Beslutning

Immikkoortoq kinguartinneqarpoq

Punkt 8: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15.29